

伤寒论讲义  
三



傷寒論講義卷四

漢張仲景原文

廣濟張有章講授

辨陽明病脉論篇第四

總論

輒近西醫之進步。全藉理化之精奇。究之理化之功用。不外陰陽之体用。物理聲光電熱諸學。其变化則隨溫度高低為推移。而溫度高低即陰陽之作。用也。化學之八十七種原子。其區別則僅陰陽兩根之類別。而陰陽兩根即陰陽之本体也。西人而定原子之根。分為陰陽。推尋其說。實屬顛倒。曾以此事詢友。人馮志東君曰。此點西人現亦深知有誤。因已習用。驟加改正。恐有不便云。茲則談其學理。並非顯其應用宜急改正錯誤。中西學說。方能會通。本注於西人定其原子為陽根者。悉改為陰根。如養氣。西人定為陰根。茲則改為陽根。下微此。溫度高低之義。已詳太陽總論。陰陽兩根之義。本篇尚須重述。化學原子雖八十有七。主要則只有四。茲就四種判定陰陽。養氣化合



物質之力極強。能助燃燒。不能自燃燒。故可判定為陽中有陰之氣。輕氣

能自燃燒。不能助燃燒。在空氣中點火於輕氣則燃燒成水。其光雖弱。溫度

甚高。故可判定為陰中有陽之氣。炭氣與養氣最相親。自能燃燒。故可判定

為陽中最陽之氣。淡氣與他物質化合之力極弱。不能自燃燒。并不能支持他

物燃燒。故可判定為陰中最陰之氣。本注既列養為陽根。輕為陰根。又曰。養

世間物質。孤陰不生。獨陽不長。必相配合。始有功能。故大之如乾坤。則乾屬陽。坤

屬陰。小之如原子。則帶陽電為陽。粒子帶陰電為電子。決無獨陰獨陽之物。

而有發生功能之例。故凡物質咸為化合物所成。而化合物皆為原子所成。

原子又有陰陽二電。陰陽本屬互根。可見無物能離陰陽之氣。無事能逃

逃陰陽之理。大易陰陽妙絕古今。書勦謹案內經陰陽義有數

端。拙著唯識詮醫陰陽篇中。曾為分析義。已詳彼。茲不多贅。以人身大概

言之。養氣構成體重百分之六十五。炭氣構成體重百分之十八。輕氣構成

體重百分之十。炎氣構成體重百分之三。以肺藏呼吸交換之氣體言之。吸

則淡氣佔百分之七十九。養氣佔百分之二十一。炭氣佔百分之四。水蒸氣少

量以心藏。血管循環之成分言之。則水佔千分之七百八十五。赤血球佔千分之百三十。其餘僅共佔十分之百七十五。養為陽中有陰之氣。炭為陽中最陽之氣。二者交換。成為呼吸。因氣體獨較多。故曰衛者陽氣也。肺是主之。養為陽中有陰之氣。輕為陰中有陽之氣。二者化合成為水分。因血液中最多。故曰營者陰氣也。心是主之。若汗吐下後。營血中之養氣少。則為亡陽。而衛氣中之養氣亦傷。如太陽篇曰。太陽病發汗。汗出不解。其人仍發熱。心下悸。頭眩身動。振振欲擗地者。真武湯主之。是其證狀也。營血中之輕氣少。則為亡陰。而衛氣中之炭氣愈亢。如太陽篇曰。發汗吐下後。虛煩不得眠。若劇者。必反覆顛倒。心中懊懣。梔子湯主之。是其證狀也。此從營血而病衛氣也。若汗吐下後。衛氣中之炭氣重。而牽及營血中之熱亦盛。則為陰虛。如太陽篇曰。傷寒病若吐若下後。七八日不解。熱結在裏。表裏俱熱。時時惡風。大

渴舌上乾燥而煩。欲飲水數升者。白虎加人參湯主之。又如太陽篇曰。發汗後惡寒者。虛故也。不惡寒但熱者。實也。當和其胃氣。與胃承氣湯。是其證狀也。衛氣中之養氣少。而牽及營血中之寒亦盛。而為陽虛。如太陽篇曰。下之後復發汗。晝日煩躁不得眠。夜而安靜。不嘔不渴。無表裏證。脈沉微。身無大熱者。

乾姜附子湯主之。又曰。發汗過多。其人叉手自冒心。心下悸。欲得按者。桂枝

甘草湯主之。是其證狀也。此從衛氣而病營血也。唯是從營血病衛氣之亡

陽。如真武湯證。從衛氣病營血之陽虛。如乾姜附子湯及桂枝甘草湯證。則為

病涉少陰。若從營血病衛氣之亡陰。如梔子豉湯證。從衛氣病營血之陰虛。

如白虎加人參湯及調胃承氣湯證。則為病傳陽明。太陽篇注文。屢言營為血為陰。衛為氣為陽。茲

言營病衛者。有亡陰亡陽之分。衛病營者。有陰虛陽虛之別。前後兩文。互有

抵牾。何也。蓋從陰陽對待言之。則營為陰。衛為陽。從陰陽交互言之。則營中

有陰陽。衛亦有陰陽也。西醫謂胃液成分。其胃液素則炭氣為多。諸鹽類則綠氣為多。



炭綠二氣俱屬陽根。必藉大熱腐化食物。所以胃府燥氣最厲。邪在胃府。恒成燥熱。火盛則津易消。津消則熱愈亢。此胃氣主燥之義也。然西醫僅謂胃液成分綠氣為多。腸液成分綠氣為少。乃以胃液鹽類則佔百分之二十二。腸液鹽類僅佔百分之五。而凡屬鹽類皆含綠氣故也。胃與大腸同屬湯明綠氣。又屬陽根。胃液綠氣多。固謂之燥。腸液綠氣少。而亦謂之燥者。以食在大腸。繼續消化。消化部分。漸被吸收。賸下餘滓。排泄於外。邪在大腸。糞便易蓄。便蓄則熱必盛。熱盛則水愈少。故胃之燥。乃言其炭綠氣獨多。而津液易消。大腸之燥。乃言其水分最少。而糞便易蓄。此大腸主燥之義也。太陽篇曰。傷寒無大熱。口渴燥渴。心煩背微惡寒者。白虎加人參湯主之。此陽明胃中炭綠氣多。而成燥熱之證。故用白虎加人參湯專治胃燥。乃生津液以制燥。本篇曰。陽明病。脈遲。雖汗出不惡寒者。其身必重。短氣腹滿而喘。有潮熱。此外欲解。可攻裏。

也。手足澌然而汗出者。此大便已鞫也。大承氣湯主之。此陽明胃中炭綠氣

多。大腸水分少。而成燥結之證也。故用承氣湯。治胃燥兼治腸燥。乃去實以

除熱。大黃之成分。炭養氣最多。芒消之成分。綠硫氣最多。應為陽熱之物。以

故陽顯而陰隱。則為陽。陰顯而陽隱者。則為陰。易繫辭曰。陽卦多陰。陰卦多陽。亦此義耳。蓋津生不惟益陰。且可存陽。以

津者水之屬。輕養二氣所成。輕氣既增。養氣隨加。實去不惟除燥。且可滋陰

考之。字形。水之。篆文作北。北方之行。其字象眾泉並流。中有微陽之

氣也。火之。篆文當作夂。其文二陽二陰。二陽長。二陰短。陽包微陰。是


水為陰。而又含有陰陽。大為陽。而亦含有陰燥者火之類。炭綠所成。炭綠之

陽不待西人化學發明。我國上古即已及知氣稍去。輕養之氣自回。今人於津竭實結之證。僅知制燥除熱之治。不知陰

陽互根。僅用寒熱對治。徑情直遂。治法殊乖。誠以燥由津竭者。徒知治以清

涼。制燥不知甘寒生津。每致燥去而陽隨亡。實由熱結者。徒知治以苦寒除

熱。不知大下傷氣。每致實去而陽恆盡。舉世喜用寒涼。流弊遂至於此。倘於



在景陽明治法。深者玩索。自當悔悟。矧燥熱固陽明病所由成。而燥熱於陽  
明經之功用。太過則陰津被灼。不及則飲食靡消。所以本論於胃中虛冷者。有  
熱必噦之戒。於食穀欲嘔者。有吳茱萸湯之治。時時既懼其亡陰。刻  
刻又恐其亡陽。陰陽互根。義已極成。推之本論諸方。恆加助胃之品。規其用  
意。要為此耳。然則豈獨於生津之中。即已寓存陽之旨。而於存陰之中。  
中仍不忘亡陽之患。然而陽明之性質雖明。陽明之互通當叙。動輸篇曰。  
胃為五藏六府之海。其清氣上注於肺。肺氣從太陰行之。太陰陽明篇曰。脾  
與胃以膜相連。而能為之行。其津液經脉篇曰。肺與大腸交絡。此陽明與太  
陰之互通也。水熱穴論曰。腎者胃之閔。邪客篇曰。五穀入於胃也。營氣者必  
其津液。注於脈。化以為血。以榮四末。此陽明與少陰之互通也。主消化者為  
胃。助消化者乃肝胆小腸。此陽明與厥陰少陽太陽之互通也。玉板篇曰。人



之所受氣者。穀也。穀之所注者。胃也。胃者水穀氣血之海也。海之所行雲氣。天下也。胃之所出氣血者。經隧也。經隧者。五藏六府之大絡也。胃其瀆也。互通此。尤其明驗也。

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。正陽陽明者。胃家實是也。少陽陽明者。發汗利小便已。胃中燥煩。大便難。是也。

本條似非仲景原文。疑點有四。畧述於下。一則胃實使難等證。三陰亦能傳變。茲僅拘定三陽。學理有欠圓滿。其疑一也。二則本篇下文小便數大便難。謂之脾約。原為六經通見之證。亦非太陽專屬之病。其疑二也。三則或曰脾約。或曰胃家實。或曰大便難。分之雖有三名。合之不外胃實。本論文高簡要。決不紛歧。若是其疑三也。四則病在陽明。胃家已實。必須急下。病在少太

兩陽胃家未實。不可妄下。界限清晰。方不誤治。即或病兼二三經。亦應曰合病併病。決無一經之病。混牽三經。一類之證。分為三名。令人迷惑。莫知著手。其疑四也。義有難通。文當附益。特行闕疑。以存本真。

陽明之為病。胃家實。

此言胃與大腸凝結成實。乃陽明病之提綱也。本條胃家者。括胃與大腸兩府而言也。家說文。居也。屬。周禮。大行注。聚也。同居相聚。必為族屬。家有屬義。可相通也。以胃為消化之主。腸為消化之助。主為正。助為屬。分之官器有殊。則曰胃曰大腸。合之作用相類。則統稱為胃家也。實者。含結與凝兩義而言也。以實與結為轉注。實亦其凝。為轉注。熱結者。易於成實。寒凝者。亦易於成實。故實乃含熱結寒凝兩義也。胃與大腸凝結成實。乃陽明病之根源。亦陽明病之提綱。故曰陽明之為病。胃家實也。本篇下文。凡稱陽明病三字。



皆指胃家實而言。

問曰。何緣得陽明病。答曰。太陽病發汗若下若利小便。此亡津液。胃中乾燥。因轉屬陽明。不更衣內實大便難者。此名陽明也。

此言太陽病亡津液。乃轉屬陽明病之兆。是燥熱內結。由於津液外亡也。太陽病汗下利小便。亡其津液。營血水分中之輕氣。消失。衛氣中氣體之炭氣。亢盛。營衛出於胃中。胃中原具水火。火熱盛則水津消。津外泄則熱內盛。故曰胃中乾燥。因轉屬陽明。古人登廁必更衣。不更衣者。乃不大便之雅名。胃中因水分外泄。則炭綠氣多而熱。大腸因胃熱下流。則水分愈少而熱。兩熱搏結。糞便積聚。大腸內實。大便艱難。故曰不更衣內實。大便難。是陽明燥結裏實。故曰此為陽明也。

問曰。陽明病外證云何。答曰。身熱汗自出不惡寒反惡熱也。



此言湯明病身熱汗出乃自成胃家實之象是熱象外見可測燥實內結也。胃陽成實本屬裏證表裏相通亦見外證裏實則熱邪彌漫故全身皮膚發熱。陽亢則陰津外泄故汗自出。輕氣漸消故不惡寒。戾氣方盛故反惡熱。然太陽病本為表證而桂枝湯條有鼻鳴乾嘔麻黃湯條有喘陽明病本為裏證而本條有身熱汗自出不惡寒反惡熱下文大承氣湯條有潮熱手足濇然汗出何也以表裏之證各有輕重而表裏之氣仍自互通故太陽病桂枝麻兩證乃風寒外束表重而裏輕則解其表陽明病承氣等證乃熱實內結裏重而表輕則下其裏太陽病之表證則惡寒發熱陽明病之表證則不惡寒反惡熱何也以寒熱有殊而見證不同故太陽病風寒傷其膚表體溫與之相拒乃惡寒發熱陽明病熱實結在腸胃邪氣悉變成熱乃不惡寒反惡熱又本條既言身熱又言反惡熱何也以身熱者據他覺言反惡

熱者據自覺言。又身熱者著其熱已外見。反惡熱者著其熱從內發。  
問曰。病有得之一日。不發熱而惡寒者。何也。答曰。雖得之一日。惡寒將自罷。即  
自汗出而惡熱也。

此承上推言自得陽明病不惡寒反發熱自汗出之義。而反言以明之也。病  
在陽明。當發熱而不惡寒。今得之一日。不發熱而惡寒者。外邪正盛。故應惡  
寒。裏熱未盛。故不發熱。得之一日。邪已入裏。膚表之風寒漸退。故惡  
寒將自罷。腸胃之熱結成實。故自汗出而惡熱也。

問曰。惡寒何故自罷。答曰。陽明居中土也。萬物所歸。無所復傳。始雖惡寒。二日  
自止。此為陽明病也。

此承上言自得陽明病惡寒自罷之義。而借譬以明之也。太陰陽明篇曰。脾  
藏者。常著胃土之精也。土者生萬物而德天地。此土為陽明所主之義也。禮

記禮考篇。骨肉歸復於土。命也。此土為萬物所歸之義也。正解難宣。借喻易顯。故以胃譬之土。以營衛譬之人。蓋營衛生成則本於胃。營衛受病亦歸於胃。猶人自生則本於土。人既死亦歸於土。是土為人死歸葬之所。胃為營衛邪傳之終。末病侵本。無處再傳。始雖風寒中傷。膚表必見惡寒。絀乃熱邪結聚胃府。不可傳於他處。惡寒自罷。故曰。此為陽明病也。

本太陽初得病時。發其汗。汗先出不徹。因轉屬陽明也。

此言汗出不徹。乃太陽經轉屬陽明。證胃家實之徵也。太陽篇曰。二陽併病。太陽初得病時。發其汗。汗先出不徹。因轉屬陽明。續自微汗出不惡寒。揆與本條文義正同。唯彼條有二陽併病之冠首。則知本篇首條所稱太陽陽明為脾約者。其名不正也。彼條有續自微汗出不惡寒之證狀。則知本條所無者。其文簡略也。義已詳彼。茲不再贅。

傷寒發熱無汗。嘔不能食。而反汗出濇濇然者。是轉屬陽明也。病源濇濇然者。是轉屬陽明也。

此十字作濇然。是為轉在陽明八字。字義濇南都賦注引埤蒼。濇水行出也。引神為

之義

此言嘔不能食汗出。乃餘五經轉屬陽明證胃家實之徵也。夫邪在皮膚病

為在表。寒傷營血發熱無汗。若邪留腸胃。病為傳裏。腸胃成實。不能盛容。乳

逆上逆故嘔不能食。燥熱內結。陰將虛亡。津乃外泄。故反汗出濇濇然。由皮

膚而傳腸胃。是日轉屬陽明。然本篇下文曰。傷寒嘔多。雖有陽明證。不可攻

之。是裏雖成實。氣欲上逆。必須用大柴胡湯。治裏兼表。不可與大承氣湯。遺

表攻裏。又本條嘔不能食句。歷來注家咸屬上文。謂係太陽病。而本注解屬

下文。謂係陽明病。本篇下文曰。陽明病若能食名中風。不能食名中寒。又

曰。食穀欲嘔者。屬陽明也。此為確證。並非妄解。設於嘔不能食句之上。增



一若字文氣較明漢人行文不嫌簡略後世誤解恆由於此

### 傷寒三日陽明脉大

此言人迎脉大乃陽明證胃家實之脉象也傷寒已至於三日陽明之人迎脉大為表邪傳裏腸胃成實之象以陽明經乃氣血俱盛之府而陽明病乃腸胃結滿之證故也

傷寒脉浮而緩手足自温者是為繫在太陰太陰者身當發黃若小便自利者不能發黃至七八日大便鞭者為陽明病也

此言寒傷膚表稽留不解手足温當成黃為太陰積熱小便利不成黃為陽明便鞭也寒邪傷於膚表稽留不解故仍浮緩寒邪侵及脾藏積久成熱故遂手足温始因表寒外束激成內熱而為脾腫故曰是為繫在太陰繼因裏熱外蒸熏灼皮膚而為身黃故曰太陰者身當發黃若小便自利脾





熱下流血。無熱瘀不能成黃。然小便利則津液傷。津液傷則大便鞭。胃腸實病在陽明。故曰若小便自利者不能發黃。至七八日大便鞭者為陽明病也。唯是黃疸證狀恆因胆汁侵血。本條病因原涉少陽。論文乃繫太陰者。亦以考之內經。則以脾主四肢。而本條又有手足溫之證也。參之西醫則以黃疸病脾藏每見腫大。而脾與肝胆又屬互通也。黃疸脾腫西醫近始知之。仲景生在漢代。即已明示中醫不藉解剖。竟能洞明若是造化神祕。非功超聖域者不能深悉。蓋管窺天終難全撤。

傷寒轉繫陽明者。其人澀然微汗出也。

此言澀然汗出為傷寒轉繫陽明之確實徵驗也。傷寒轉繫陽明。胃腸俱已成實。裏既為燥結之候。表必有汗出之形。故曰傷寒轉繫陽明。其人澀然微汗出也。轉繫陽明。證狀雖夥。汗出每因裏實。徵驗最為確實。專條明